

民國肇縣志

鞏縣志卷四

邑人 劉蓮青 纂輯

張仲友

邑人 劉鎮華 鑒定

邑人 劉鎮海 參閱

固始萬自逸 讐校

輿地志

古蹟上

古滑國

春秋屢見經傳唐宋屬緱氏縣地入縣西南隅

按滑國暨緱氏城治俱在今偃師縣顧地跨兩縣之間

鞏縣志卷四

輿地 古蹟上

一

經川圖書館刊

鞏西南蕭相栗林各村當然在其界內水經注引休水足證也春秋滑伯同盟於幽左僖三十二年秦師侵鄭及滑滅滑而還成十三年呂相絕秦曰殄滅我費滑襄十八年蔦子馮公子格率銳師侵費滑昭二十六年王次於滑後地屬晉又屬周杜預注滑國都於費今緱氏縣括地志緱氏故城本費城也在緱氏縣東南二十五里太平寰宇記緱氏縣古滑城在縣東一十八都孫星衍曰緱氏縣在古滑國蓋鞏地勢向西南隅斜出一臂距縣遼遠歷代疆域時有伸縮昔人畫地喜取犬牙鞏偃界上應多錯綜歧出此其一也

周坎氏邑

春秋僖二十四年王出及坎欲杜注周地在鞏縣東路史坎氏鞏縣東坎欲聚服云鞏東邑續漢郡國志劉昭

注地道記在南己酉志并補

周胥靡邑

左傳襄十八年蔦子馮公子格率銳師侵費滑胥靡杜預注皆鄭邑方輿紀要胥靡在偃師縣東南三十里童鈺曰胥靡近滑城今滑城在鞏偃界上滑城東南地盡入鞏則胥靡當在鞏今鞏地近滑者有曰蕭相者胥靡之轉音也孫星衍謂胥靡在偃師無證據若童鈺之以

蕭相為胥靡轉音猶為得之

周鄆邑

春秋昭二十三年傳郊鄆潰杜注郊鄆二邑皆子朝所得水經注洛水歷鄆中水南謂之南鄆亦曰上鄆鞏洛渡北謂之下鄆亦謂之北鄆有鄆城蓋周大夫鄆盼左傳

作之舊邑也節錄己酉志

周榮錡氏

春秋昭二十三年王崩於榮錡氏杜注河南鞏縣西有

榮錡澗節錄己酉志

周訾邑

左傳單子取訾杜預注鞏縣西南訾城是也續漢郡國志有東訾聚今名訾城劉昭注晉地道記曰在縣之東水經注洛水又東逕訾城北又東羅水注之

節錄己酉志又補

己酉志作訾城兼引河南府志訾城今名訾店又譌爲小芝田東北里許爲羅水入洛處在縣西南四十里又東訾城引春秋昭二十四年傳王子朝用成周之寶珪於河津人得諸河上陰不佞拘得玉者取其玉將賣之則爲石王定而獻之與之東訾二十五年傳尹文公涉於鞏焚東訾不克河南府志左傳旣別爲東訾明東訾與訾不一地杜注乃指爲一誤矣路史謂訾有二西訾

在洛東訾在鞏雖較勝杜氏而所目之地與傳文亦不合傳謂涉鞏焚東訾則鞏訾不過一水耳晉石勒擊劉曜於洛陽至成皋捲甲啣枚詭道兼行出於鞏訾之間曰鞏訾之間知鞏訾不相遠也今鞏訾城在故鞏城西與故鞏城相去尙數十里是鞏之訾城已爲西訾而故鞏城之東必東別有東訾其地雖不可確指固知二訾俱在鞏不得謂一在洛一在鞏也

按左傳兩書東訾與陰不佞者曰王定而獻之應在昭公二十六年敬王入於成周時則尹文公焚而弗克者在先是時敬王居狄泉萇弘謂子朝爲西王敬王爲東

王單子既已取訾則訾爲東王之邑尹文公所焚而弗克者卽單子所取之邑至與陰不佞時因書之在前乃並加以東字路史所謂西訾在洛東訾在鞏者實爲望文生義司馬彪所謂今名訾城則至晉時乃有訾城之名故杜注於與陰不佞者曰喜得玉故與之邑於尹文公焚而弗克者曰敬王邑杜馬皆晉初人是在周爲邑明甚水經注用杜馬晉時之稱耳既不能分訾與東訾爲二亦不能名爲周之城今有訾店卽東訾聚也

東周故城

東周故城在邙山麓地名西孝義卽今康店遺址今爲

鞏縣志卷四

輿地 古蹟上

四

經川圖書館刊

鞏王廟周赧王築 據河南通志暨己酉志纂

漢鞏縣故城

水經洛水又東北過鞏縣東酈注洛水又東逕鞏縣故城南東周所居也河南府志曰桑欽西漢人作經時縣猶在洛水西酈道元後魏人注經時縣治已移洛水南

故云故城 據己酉志纂

漢小平城

名勝志云小平城漢縣廢址在今鞏縣西北有河津曰小平津卽城之隅也河南府志在今鞏西北裴峪渡

己酉志

節錄

漢袁公塢

水經注羅水西北逕袁公塢北蓋公路始固有此也據

西志
纂

隋洛口倉城

方輿紀要隋大業三年於鞏東南原上築倉周回二十餘里穿三千窖窖容八千石亦曰興洛倉十二年以盜賊充斥命移兵守洛口倉城節錄己
西志

隋故城

方輿紀要謂隋大業初移縣治於洛口蓋自今縣治而

移未久即廢據己西
志纂

鞏縣志卷四

輿地古蹟
上

五

經川圖書館刊

李密洛口城

李密說翟讓曰洛口倉多積粟去都百里有餘先無預備取之如拾芥耳遂襲克興洛倉密稱魏公命護軍田茂廣築洛口城方四十里而居之己西志引
方輿紀要

李密偃月城

李密臨洛築偃月城與倉城相應既而與王世充戰於洛北敗走洛南餘衆東走月城唐武德三年世民伐王世充分遣王君廓自洛口斷其餉道今縣東有洛口驛

己西志引
方輿紀要

北齊王藥城

鞏東北濱河高齊時戍守處周建德四年宇文憲等入齊境降拔三十餘城師還皆棄不守惟以王藥城爲要害遣將韓正守之正以城降齊

己酉志引方輿紀要

宋永安城

鞏縣西南四十里宋太祖父昭皇帝葬於此曰永安陵景德中割鞏偃二縣置邑以奉陵寢後爲永安軍自太祖至哲宗八陵皆葬於城西南諸原上

己酉志引方輿紀要

宋南城

方輿紀要宋有永安軍又有南城軍亦在鞏縣西南紹興二年岳飛遣諸將收復河南楊遇復南城軍張憲復

永安軍是也河南府志南城在今鞏西南七十里名南

邨與偃師古滑城相近

己酉志

柏城

在永安縣陵寢周圍紹興九年金人歸河南地大臣朝

拜陵寢遂入柏城披荆履蘗

據文獻通考纂

按陵旁有柏子戶若干家

金芝田縣

方輿紀要金改永安爲芝田縣元廢今爲鎮

己酉志

夏頃宮

竹書紀年帝癸築頃宮

己酉志

按帝癸元年卽位居斟鄩十三年遷於河南築頃宮在
三年是固居斟鄩之時

後梁孝義宮

按舊五代史梁太祖紀乾化二年五月癸未發自汜水
午憇任村頓夕次孝義宮下乃書次偃師則孝義宮應
在鞏縣境內

隋洛口龍舟殿

大業雜記車駕幸江都自漕渠口下乘小朱航行次洛
口御龍舟皇后御翔螭舟其龍舟高四十五尺闊五十
尺長二百尺四重上一重有正殿內殿東西朝堂周以

軒廊中二重有一百六十房皆飾以丹粉裝以金碧珠
翠雕刻奇麗綴以流蘇羽葆朱絲纓絡下一重長秋內
侍及乘舟水手以素絲大條繩六條兩岸引進其引船
人並名殿腳一千八十人俱著雜錦綵裝襖子行纏鞋
襪等分爲三番皇后御次水殿名翔螭其殿腳有九百
人又有小水殿九名浮景舟並三重朱絲網絡已下殿
腳爲兩番番一百人諸嬪妃乘大朱航三十六名漾綵
船並兩重加網絡殿腳百人又有朱鳥船蒼龍船白虎
船玄武船各二十四其駕船人名船腳又有飛羽船六
十青鳧舸十凌波舸十宮人習水者乘之又有五樓船

三樓船二樓船板榻黃蔑舫並給黃衣夫又有平乘五百艘青龍五百艘蒙腫五百艘八擢舸二百艘舳舻舸二百艘並十二衛兵所乘載兵器帳幕兵士自乘不給夫發洛口部河南府志鞏邑當隋唐時幸無宮殿土木之擾然洛口龍舟其爲煩費不支龍舟必在洛口者以數千百舳舻洛水不能容故皆置舟於洛水入河之處其上諸殿無可附附之於洛口可也

己酉志

占夏臺

綱目前編帝履癸四十有二載夏王桀囚商湯於夏臺既而釋之乙丑志臺在邙山南洛汭西河南通志在縣

鞏縣志卷四

輿地 古蹟上

八

經川圖書館刊

西南

涼馬臺

十六國疆域識鞏有涼馬臺慕容垂自涼馬臺結草筏以渡通鑑注此涼馬臺蓋在富平津橋之西

白公臺

乾溝白雲寺古址舊稱白公臺屬形勝地白公學道得

仙之所臺廢而寺始興

采訪

李密黃冶臺

河南通志在鞏縣東南卽李密與李淵相拒處其址尙

存 己酉志

湯亭

左傳昭四年申椒舉曰商湯有景亳之命杜預注河南

鞏縣西南有湯亭

采訪

黃亭

水經注訾城北三里有黃亭今在鞏縣西南

據己酉志纂

洛汭館

春秋昭元年傳天王使劉定公勞趙孟於潁館於洛汭

據己酉志纂

漢三田故里

在縣西南二十里孝義保以田氏紫荆得名

據己酉志纂

鞏縣志卷四

輿地 古蹟上

九

經川圖書館刊

晉嵇含故里

晉書嵇含家鞏縣亳邱今之魯莊

據己酉志纂

唐杜甫故里

在今縣東二里埡灣村

據河南府志纂

宋蔡齊故宅

鞏西南永安故縣東有蔡莊建有石坊額題蔡文忠公

故居 據河南通志河南府志纂

按宋史齊膠水人非生長於鞏舊志載為鞏人緣宋建都汴梁洛為陪京陵園又定於鞏當係遷居或寄居

金盧亞宅

鞏永安廢縣中有狀元坊爲盧亞立

據河南府志纂

唐李處士別業

唐岑參有尋鞏縣南李處士別業詩

采訪

唐溫泉鄉萇樂村

在縣西南二十里鋪

見唐萇思約墓傳

宋任村

詳見河水條下今有任村溝

采訪

轅州

地在柏谷塢左近羣峯合沓深谷逶迤王世充僭號署

曰轅州乘其他險以立烽戍

節錄裴淮少林寺碑

鞏縣志卷四

輿地 古蹟上

十

經川圖書館刊

宋柴務

文獻通考咸平二年九月河南府鞏縣柴務牡丹華卽

今之稍柴務

據己酉志纂

漢飲馬溝

在鞏縣東七里呂布軍虎牢飲馬於此

己酉志引方輿紀要

晉九曲瀆

水經注河南十二縣境簿云九曲瀆在河南鞏縣西

至洛陽傳暢晉書云都水使者陳狼鑿運渠從洛口入

注九曲

後魏南蒲陂蒲池

水經注蒲池水出南蒲陂卽今凌溝菩提寺前水節錄
西志

宋沙口

沙口今俗呼沙峪溝與任村洛口相連載方輿紀要節錄

己酉
志

明神堤渠

神堤渠在縣北二十里中低而四圍高其水常為患永

樂十六年縣丞華胥為之開導水患始免據嘉靖志
己酉志纂

羅口

在縣南四十二里

隋興洛倉

隋書地理志鞏縣有興洛倉河南府志興洛倉卽洛口
倉也隋置倉於鞏者以鞏東南原上地高燥可穿窖久

藏且下通河洛漕運也節錄
己酉志

唐洛口倉

唐書地理志鞏縣有洛口倉六典注隋初漕關東之粟
以實京邑有洛口倉唐因之唐書食貨志宣州刺史裴
耀卿條上便宜曰今漢隋漕路瀕河倉廩遺迹可尋可
於河口置武牢倉鞏縣置洛口倉使江南之舟不入黃
河黃河之舟不入洛口而河陽柏崖太原永豐渭南諸
倉節級轉運水通則舟行水淺則寓於倉舟無停留而

物不耗失此甚利也

己酉志

按己酉志所引為唐書食貨志又截去玄宗初不省一句似因裴耀卿所請始置洛口倉舊唐書食貨志載耀卿上便宜事條曰伏見國家舊法往代成規擇制便宜以垂長久河口元置武牢倉江南船不入黃河即於倉內便貯鞏縣置洛口倉從黃河不入漕洛即於倉內安置今若且置武牢洛口等倉江南船至河口即卻還本州云云尋元置且置之語是唐初有洛口倉即隋之興洛倉而易其名至開元時已廢耀卿雖有此請而未嘗允行故兩書後皆書置河陰倉而不復及洛口唐書過

截字句不逮舊書之詳明六典注謂唐因隋最為得之

轅轅關

明史地理志鞏縣西南有轅轅山上有關 節錄己酉志

後魏石關

洛陽伽藍記京東石關有魏元領軍寺河南府志鞏城西洛水北有地名石關即伽藍記所謂京東石關也 己酉志

黑石關

明史地理志鞏縣西南有黑石渡巡檢司河南府志黑石山名在鞏縣西南洛水東與邛嶺夾岸相對如門洛

水出其中爲東西京咽喉舟車轉輸冠蓋往來皆出於

此明設巡檢司

節錄己酉志

元大栗關

方輿紀要大栗樹關在鞏東南三十里元時置

己酉志

漢劉備寨

河南通志備寨在鞏縣西南原良保相傳劉關張伐呂

布屯兵於此

己酉志

元天堂山寨

方輿紀要天堂山寨在鞏縣東南

鹿耳寨

鞏縣志卷四

輿地 古蹟上

十三

經川圖書館刊

舊志在趙封保石峰峻絕千仞壁立上有泓水止一小

逕可通

雞翎寨

舊志在羅口保元人郝義於此避兵

節錄己酉志

按上列三寨外尚有凌霄寨黑山寨俱元季鄉豪屯聚

處蟠踞未久名不甚著

劉宋百谷塢鉤鎖壘

水經注休水又北流注於洛水洛水又東逕百谷塢北

戴延之西征記曰塢在川南因高爲塢高一十餘丈劉

武王西入長安舟所堡也又宋書武帝西征營於柏谷

塢西有三壘相連如鎖名鉤鎖壘云

節錄己酉志

太平岡

在洛口西山太平興國二年賜名語詳金石志

據乙丑志纂

明洛口驛

方輿紀要鞏縣東有洛口驛

己酉志

漢五社津

水經河水又東過鞏縣北酈注河水於此有五社渡爲

五社津

節錄己酉志

漢小平津

郡國志鞏縣西北有河津曰小平津

己酉志

鞏縣志卷四

輿地古蹟上

十四

經川圖書館刊

黑石渡

在黑石關旁方輿紀要鞏縣西南二十五里洛水津濟

處

據己酉志纂

宋訾店渡

宋景德四年造訾店渡橋

己酉志引方輿紀要

明神堤渡

神堤渡在鞏縣北見河南通志

己酉志

洛口渡

洛口渡在鞏縣東見河南通志

節錄己酉志

裴峪渡

河南通志裴峪渡在鞏縣西河南府志裴峪渡疑卽黃

河小平津渡也

己酉志

唐孝義橋

唐會要天寶七載四月河南尹韋濟奏於偃師縣東山下開驛路通孝義橋六典水部凡天下造舟之梁四河三洛一河則蒲津大陽盟津洛則孝義舉京都之衝也河南府志偃師驛路所通者今為鞏縣黑石渡渡東北五里有孝義保橋或因此得名歟

據己酉志纂

按孟郊有孝義渡詩或卽黑石渡之異名

宋奉先橋

鞏縣志卷四

輿地 古蹟上

十五

經川圖書館刊

玉海景德四年二月西京新造訾店渡橋癸酉賜名奉先河南府志今鞏縣訾店渡北岸山上有會聖宮為宋時謁陵飲福之所陵在洛南高原上由會聖宮過洛上陵必由此橋故名奉先

己酉志

明柳橋

河南通志柳橋在鞏縣東

己酉志

黃帝河洛壇

按此壇不見經史酈注水經引自緯書語涉荒渺不足徵信因刪削浮詞僅存其名

鞏王廟

在洛水西岸見東周故城注

周襄王廟

廟在舊鞏縣西門今佚

晉九山廟

水經注九山有九山廟廟碑云九顯靈府君太華之元子陽九列名號曰九山府君也晉元康二年九月太歲庚午帝遣殿中郎將關內侯樊廣緱氏令王與主簿傅演奉宣詔令興立廟殿九山在水經注為百稱山今

呼白雲山

節錄己酉志

按魏書地形志曰九山祠

鞏縣志卷四

輿地 古蹟上

十六

經川圖書館刊

百蟲將軍廟

水經注九山又有百蟲將軍顯靈碑碑云將軍姓伊氏諱益字隤散帝高陽之第二子伯益是也晉元康五年七月七日順人吳義等建立堂廟永平元年二月二十日刻石立頌示後賢矣

己酉志

嚴子陵廟

嚴子陵廟在鞏縣東

己酉志引河南通志

汾陽王廟

廟在縣西南五十里漫流岡上廟碑係金元光二年天黨趙琢撰今存河南通志則謂元至治間建想係傳聞

異辭廟旁有洞曰風洞土人相傳每歲出怪風壞田禾昔郭汾陽過此徵芻糗居民以洞事聞郭躬詣岡上指數之曰四方之亂余皆埽除妖氛敢爲害耶自是五穀豐登洞不爲災村衆立廟祀之夫汾陽功蓋天下衣被羣生廟而祀之宜矣而此廟乃在窮山僻谷中則鄉俗傳流之辭容非盡誕廟之左有鎮曰迴郭或卽其遺迹

歟

據己酉志暨采訪冊纂

元宓妃廟

廟在蘇村俗名洛神廟見河南通志

據己酉志暨采訪冊纂

元鹽監公祠

鞏縣志卷四

輿地 古蹟上

十七

經川圖書館刊

在舊城南街路西係解梁張氏始祖金季作鹽官名字佚因以官爲稱其裔孫文定公惟楨魏國公裕皆同祠

張忠肅公祠

在西寺灣名毅係鹽監公曾孫

譙國公祠

在洛口元時曹鐸任雁門關三邊總督

姚岳生祠

在聚山園內馬時芳額以淵源夏峯

古蹟志下

宋宣祖安陵

東都事畧建隆元年三月有司上皇考武清府君謚曰昭武皇帝廟號宣祖陵曰安陵宋史禮志安陵在京城東南隅乾德初命司天監浚儀趙修已內客省使王仁瞻等改卜河南府鞏縣西南四十里訾鄉鄧封村以司徒范質爲改卜安陵使學士竇儼禮儀使中丞劉溫叟儀仗使樞密直學士薛居正鹵簿使太宗時尹開封爲橋道頓遞使質尋免相以太宗兼轄五使事修奉陵寢皇堂下深五十七尺高三十九丈陵臺三層正方下層每面長九十尺南神門至乳臺至鵲臺皆九十五步乳臺高二十五尺鵲臺增四尺神牆高九尺五寸環四百

六十步各置門神角闕文獻通考安陵陪葬子孫一百二十一墳河南府志太祖父宣祖周廣順末鐵騎第一軍復轉右廂指揮今鞏人猶呼永安陵爲指揮陵在鞏縣西南牛山北麓與太祖陵相去里餘

據己酉志纂

宋太祖永昌陵

東都事畧開寶九年十月癸丑帝崩於萬歲殿明年四月乙卯葬永昌陵宋史禮志陵在鞏縣祔宣祖文獻通考永昌陵陪葬子孫一十五墳河南府志宋時皇后如宣祖昭憲杜氏合祔安陵爲行前代之禮而太祖之孝明孝惠二后一葬宣祖安陵西北一葬安陵之北孝章

宋后亦不同兆域太宗皇后尙有祔葬安陵者章憲明肅劉后亦葬眞宗永定陵西北隅當時禮官不主祔葬故也茲將一代皇后另列帝陵之後以醒眉目

據己酉志纂

宋太宗永熙陵

東都事畧至道三年三月癸巳帝崩於萬歲殿十月己酉葬永熙陵宋史禮志永熙陵皇堂深百尺方廣八十尺陵臺方二百五十尺置衛士五百人於陵文獻通考永熙陵陪葬子孫八墳河南府志昌陵在安陵西里餘熙陵在昌陵西里餘三陵俱在牛山北麓永安縣羅水之南

節錄已西志

宋眞宗永定陵

東都事畧乾興元年二月戊午帝崩於延慶殿冬十月己酉葬永定陵宋史禮志山陵按行使藍繼宗言據司天監定永安縣東北六里曰卧龍岡堪庇山陵詔雷允恭覆按以聞皇堂之制深八十一尺方百四十尺制陵名曰永定丁謂傳謂爲山陵使雷允恭爲都監與判司天邢中和擅易皇堂地衆議曰暄謂庇允恭依違不決詔王曾馮拯曹利用等覆視咸云應用舊地遂誅允恭貶謂崖州司戶籍其家文獻通考始丁謂請陵名曰鎮陵及謂貶馮拯謂三陵皆有永字故易曰永定陵然永

安乃縣名也宣祖陵止曰安陵又不知翼祖已名定陵於是復追翼祖爲靖陵議者譏拯不學當時無正之者河南府志營定陵時徐仁旺奏用牛頭山前丁謂定用山後爭之不可仁旺表曰山後之害坤水長流災在丙午年內丁風直射禍當丁未年終其言卒驗今眞宗陵在西青龍山西北與牛山陵中隔羅水而徐丁所爭牛頭山前後者乃青龍山西北別起一小山狀類牛頭而得名非太祖陵南之牛山也當時亦曰卧龍岡據史丁謂置皇堂土石相半繼之以水王曾奏丁謂包藏禍心置皇堂於絕地太后怒丁謂貶死當時已不用丁謂所

定皇堂矣然今眞宗陵南高北下退就卑溼猶是丁謂山後之議也意丁謂所用更在北以王曾奏乃稍移就南耳至通考譏馮拯易名定陵與翼祖陵本名同良是但謂永安爲縣名宣祖陵止名安陵無永安之稱殊不然永安名縣乃因陵而名宋代諸陵皆有永字其稱之也或曰永某陵或但曰某陵非宣祖陵無永安之稱也

節錄已
酉志

宋仁宗永昭陵

東都事畧嘉祐八年辛未帝崩於福寧殿冬十月甲午葬永昭陵宋書禮志修奉永昭陵用定陵故事韓忠獻

遺事仁宗永昭陵葬且有日忽傳皇堂棟捐時諸使皆欲不聞而掩之韓公琦正色曰不可果損當易之若違葬期侈所費此責猶可當若苟且掩之後有壞而致人主疑心臣下何以當責河南府志范純禮知永安縣永昭陵在其境內初建時配木石磚甃及工徒於一路獨永安不受令請於山陵使韓琦曰歲時繕治無虛日願勿與諸縣均賦琦是其言而名勝志則以爲修曹后陵范公與曾魯公力爭與史不同蓋據過庭錄所傳也且又以永安爲今永寧宋陵多在焉大謬

節錄己酉志

宋英宗永厚陵

鞏縣志卷四

輿地 古蹟

下

二十一

經川圖書館刊

東都事畧治平四年春正月帝崩於福寧殿八月癸酉葬永厚陵文獻通考英宗崩遺詔山陵務從省約所歷郡縣無科率煩民八月葬厚陵禮如舊制演繁露温公日記記英廟山陵舊制曰山陵皇堂壘石爲壁積材木於上以卷石覆之神宗以材木有時而朽則卷石必墜於梓宮不便更令就地爲石槨以藏梓宮總管張若水恐穿地或墮陷四壁乃請於平地壘石爲槨及後山陵復土梓宮入降隧道升石槨西首御夷牀不及地一尺而止俟已時一刻乃下仍於其上布方木及蓋條石乃設御座於蓋下闔石門出築合隧道按此則是神宗慮

木久必朽朽必壓故專令卷石爲槩起自地上石既四
周捲起交相鉤鬪永不壓壞最爲堅耐神宗雖有此旨
若水董役不敢廢弛舊制故卷石之上仍鋪蓋木設使
蓋木朽壞而其下自有卷石承之殆無害也河南府志
仁宗英宗二陵俱在青龍山北孝義保英宗陵東去仁
宗陵一里許節錄己
西志

宋神宗永裕陵

東都事畧元豐八年三月戊戌帝崩於福寧殿冬十月
乙酉葬永裕陵宋史禮志紹聖四年太史請遷去永裕
陵山民冢一千三百餘以便國音帝曰遷墓得無擾乎

若無所害則令無遷果不便國音當給官錢以資葬費
節錄己
西志

宋哲宗永泰陵

東都事畧元符三年正月己卯帝崩於福寧殿七月壬
寅葬永泰陵宋史禮志哲宗崩徽宗卽位詔山陵制度
並如元豐河南府志神宗哲宗二陵俱在九山東北麓
二陵相去一里許又按中興記建炎元年五月一日大
赦天下詔永安軍祖宗陵寢西京應天禪院會聖宮影
殿西墳可差西京留守及臺官一員日下前去躬親省
視如合修奉去處一面措置仍密具奏聞南墳委汝州

守臣依此演繁露宗子自附葬山陵之外又有南墳西

墳節錄己酉志

宋欽宗陵

朝野雜記欽宗之喪舉哀於天章閣南以學士院爲几筵殿上陵名曰永獻暨乾道中朝廷遣使求陵寢地金人許以遷奉且併歸靖康梓宮朝廷難之金人乃以禮陪葬於鞏縣云文獻通考金人徙葬欽宗於鞏原而荆襄謀報乃謂金以十萬騎奉還陵寢以來中外洶洶邊寨咸請增戍後卒無事綱目續編乾道七年金葬欽宗於鞏洛之原河南府志引鞏舊志宋陵辨鞏縣有欽宗

陵無徽宗陵固非無據但欽宗爲金人所葬鞏欽宗陵今亦無可考傳聞是否猶不可知輟耕錄載楊髡發紹興諸陵之時言徽欽葬五國城數遣使祈請於金凡六七年而後許至是被發掘徽欽二陵皆空無一物徽陵有朽木一段欽陵有木燈檠一枚而已蓋當時亦料其非真不欲逆詐亦以慰一時之人心耳而二帝遺骸浮沈沙漠初未嘗返也又孫暘曰徽欽二帝陵在高麗地方二陵大如山高麗人皆知爲二帝陵也蓋金源幅員甚廣高麗北境皆其地彼時葬二帝於此以空樞歸中國耳據是則會稽之徽欽陵與鞏縣之欽陵皆非其實

矣節錄己酉志

按舊志昌陵熙陵定陵昭陵外陵墓多有堙沒乾隆八年洛陽縣知縣龔崧林署縣事勘得士民冒墾地二頃詳奉中丞碩振飭清還陵壩知縣邱軒昂蒞任後竭力清釐詳奉豁糧仍栽立陵界後之官斯土者務留意焉

己酉志

宋宣祖杜后陵

東都事畧宣祖昭憲皇后杜氏建隆二年崩謚曰明憲

葬安陵己酉志

宋太祖王后陵

鞏縣志卷四

輿地古蹟下

二十四

經川圖書館刊

宋史禮志改卜安陵於鞏並葬孝明王后於安陵之北

己酉志

宋太祖賀后陵

東都事畧太祖孝惠皇后賀氏周顯德五年崩葬安陵

之西北宋史禮志乾德元年十二月時議改卜安陵於

鞏並以二后孝明孝惠陪葬焉四月九日葬孝惠於安陵之

西北己酉志

宋太祖宋后陵

宋史禮志孝章皇后宋氏至道元年四月崩六月上謚

曰孝章皇后以歲忌權攢於趙村沙台三年正月祔葬

永昌陵之北

節錄己酉志

宋太宗尹后陵

東都事畧太宗淑德皇后尹氏早崩葬於孝明陵之西

北己酉志

宋太宗符后陵

東都事畧太宗懿德皇后符氏葬於安陵之西北己酉志

宋太宗李后陵

東都事畧明德皇后李氏祔葬永熙陵己酉志

宋太宗李后陵

東都事畧元德皇后李氏以眞宗生母祔葬永熙陵文

獻通考元德皇后以至道三年十月追尊先殯於普安禪院咸平元年議改卜園陵二年命使按行園陵地議立陵名禮官言周顯德末都省集議故事帝后同陵謂之合葬同塋謂之祔葬漢呂氏陵在長陵西百餘步以同塋兆而無名號又唐穆宗二后王氏生敬宗蕭氏生文宗並祔先陵之側今園陵鵲臺在永熙陵封地之內恐不須別建陵號從之己酉志

宋眞宗潘后陵

宋史后妃傳眞宗章懷潘皇后端拱二年五月崩葬於

永昌陵側陵名保泰己酉志

宋眞宗郭后陵

宋史后妃傳眞宗章穆郭皇后景德四年崩葬於永熙

陵之西北己酉志

宋眞宗李后陵

宋史禮志明道二年謚莊懿葬永定陵之西北隅河南府志李宸妃常從守定陵初殯洪福院太后崩仁宗知爲宸妃所生尊爲皇太后陪葬定陵西俗呼呂道姑陵者恐是呂李聲譌卽宸妃陪葬處也己酉志

宋眞宗劉后陵

宋史禮志章獻明肅皇后劉氏明道二年三月崩於寶

慈殿葬永定陵之西北隅己酉志

宋眞宗楊后陵

宋史禮志章惠皇后楊氏明道三年十二月崩葬永定

陵之西北隅己酉志

宋仁宗曹后陵

宋史禮志慈聖光獻皇后曹氏元豐二年十月崩於慶壽宮命韓績爲山陵按行使績言永昭陵北稍西地二百六十步內方六十五步可爲山陵上以迫隘詔增十步三月十日葬永昭陵己酉志

宋英宗高后陵

宋史禮志宣仁聖烈皇后高氏哲宗元祐八年九月三日崩於崇慶宮紹聖元年四月一日葬永厚陵節錄己酉志

宋神宗向后陵

宋史禮志欽聖憲肅皇后向氏建中靖國元年正月崩

五月葬永裕陵節錄己酉志

宋神宗朱后陵

宋史后妃傳欽成朱皇后生哲宗崇寧元年二月薨追

冊為皇后陪葬永裕陵節錄己酉志

宋神宗陳后陵

宋史后妃傳欽慈陳皇后生徽宗帝崩守陵殿未幾薨

鞏縣志卷四

輿地古蹟下

二十七

經川圖書館刊

建中靖國元年追冊為皇太后陪葬永裕陵節錄己酉志

宋哲宗劉后陵

東都事畧昭懷皇后劉氏政和元年崩葬永泰陵節錄己酉志

志

宋徽宗王后陵

東都事畧顯恭皇后王氏改謚惠恭徽宗即位冊為皇

后生欽宗崩葬永裕陵之次己酉志

宋徽宗劉后陵

河南府志明達皇后劉氏陪葬惠恭皇后園節錄己酉志

宋徽宗劉后陵

河南府志明節皇后劉氏與明達並園立祠俱祔神宗

陵節錄己酉志

三蘇塚乙丑志

在縣西南蘇家莊相傳為蘇秦莊見圖書集成職方典

原良墓

乙丑志有原良墓在原良村西南二里不詳何代

按原良二字習見於鞏如原良保原良寺原良村合墓而四矣雖未詳其朝代其墓當不誣己酉志乃據隸釋改為轅生墓徵引失當殊難徵信仍改從朔

漢黃霸墓乙丑志

鞏縣志卷四

輿地古蹟下

二十八

經川圖書館刊

在芝田西二里清光緒八年邑人劉文敏等補樹墓碑

題曰漢丞相黃霸塚采訪

按乙丑志有黃霸墓與圖書集成職方典合

漢三田冢

在鞏縣西孝義村田真兄弟葬於此據河南通志己酉志纂

漢岑彭墓

在岑彭溝前志相傳已久姑仍之舊志鞏有岑彭溝彭

墓在焉節錄己酉志

漢尹勳墓

在蔡莊東南二里餘周圍十餘丈父老相傳為尹閣老

墳村東台溝北有穴居數處並指爲故宅或疑非勳墓
乃睦墓蓋勳官尚書令不稱閣老睦以太尉錄尚書事
宜稱閣老也

采訪

晉潘茈墓

潘岳西征賦眷鞏洛而掩涕思纏綿於墳塋文選注河
南郡圖經曰潘岳父冢鞏縣西南三十五里水經注羅
水又西北逕潘岳父子墓前岳父茈琅邪太守今在芝
田西二里

晉潘岳墓

亦在芝田西水經注墓碑題云給事黃門侍郎潘君之

碑文云君遇孫秀之難闔門受禍故門生感覆醢以增
慟乃樹碑以記事太常潘尼之詞也

晉魯宗之墓

宗之郿人字彥仁晉太元末官至南郡太守恭帝時起
義以功爲輔國將軍武帝討劉毅與宗之同會江陵封
南陽郡公墓在縣西南柏谷塢詳韓延之墓

北魏韓延之墓

在柏谷塢北延之字顯宗南陽赭陽人仕魏爲虎牢鎮
將爵魯陽侯初延之曾往來柏谷塢省魯宗之墓有終
焉之志因謂子孫云河洛三代所都必有治於此者我

死不勞向北代葬也即可就此及卒子從其言遂葬於宗之墓次其孫卽居於墓北柏谷塢

魏書

北魏京兆王墓

在嵩陰墓坡魏書京兆王子太興病請爲沙門高祖南討在軍詔皇太子於四月八日爲之下髮更名僧懿居嵩山太和二十二年終登封志洪亮吉日今嵩山峻極峯北有地名墓坡蓋京兆王墓也

采訪

北齊小平津古冢

三齊典畧齊王澄以舟師還次小平津津岸古冢崩有銘令更葬之

己酉志

鞏縣志卷四

輿地

古蹟下

三十

經川圖書館刊

唐杜甫墓

杜甫終於耒陽藁葬之至元和其孫始改葬於鞏見温

公詩話

節錄己酉志

按墓旁有冢二相傳爲宗文宗武墓在康店嶺上清童鈺爲之題碑

唐萇思約墓

采訪

輒銘見金石志

唐九品宮人墓

墓在縣西南安頭村左近近年墓誌出土誌文載金石

采訪

唐蘇氏十二娘墓

在縣西三十五里駝坡今名井溝甄銘見金石志

采訪

宋許王墓

宋許王夫人李氏墓

宋魏王夫人王氏墓

宋楚王夫人馮氏墓

宋莒國夫人潘氏墓

宋將軍惟正妻裴氏墓

以上六墓皆陪葬宋皇后莒國潘氏至道三年六月追

冊為莊懷皇后見宋史禮志楚夫人馮氏墓誌近年已

鞏縣志卷四

輿地

古蹟下

三十一

經川圖書館刊

出土舒雅撰裴禹書詳金石志

宋夔王光贊墓

文獻通考

太祖弟早亡

宋史宗室列傳

宋岐王德芳墓

文獻通考

太祖四子

宋史宗室列傳

宋恭孝太子元佑墓

文獻通考

太宗子本名德明

宋史宗室列傳

宋鄧王元偃墓

文獻通考

太宗子

宋史宗室列傳

宋安王元傑墓

文獻通考

太宗子

宋史宗室列傳

宋周王佑墓

文獻通考

眞宗子九歲卒見宋史宗室列傳眞宗景德四年幸鞏

縣謁陵詣永昌陵永熙陵又詣元德孝明孝惠孝章懿

德明德淑德諸皇后陵又親奠夔王岐王恭孝太子鄧

王安王周王諸墳見文獻通考此當日陪葬之可稽者

宋楚王元佐墓

陪葬永陵

宋史宗室列傳

宋遂國公墓

河南通志在鞏縣西南舊志在羅口保太宗孫謚昭裕

鞏縣志卷四

輿地 古蹟

下

三十二

經川圖書館刊

金石考皇從姪衛州防禦使遂國公墓銘嘉祐五年歐

陽修撰

己酉志

宋高密侯墓

河南通志墓在鞏縣西南舊志在羅口保太宗曾孫金

石考高密侯葬河南永安縣歐陽修爲撰銘河南府志

引金石考據歐陽集載皇從姪筠州團練使安陸侯康

州刺史高密侯右監門衛將軍廣平侯皇從孫監門衛

將軍右屯衛大將軍武當侯右監門衛將軍夫人周氏

右監門衛將軍夫人金堂縣君錢氏武昌縣君郭氏東

陽縣君鄭氏俱葬河南永安縣修各爲撰銘今其墓俱

不可確指錄之以備參稽

己酉志

宋南陽郡王大太保院故衙內墓

鞏南掘土得石碑文如上攷宋世系表宗喬謚恭康宗
讀謚良孝皆封南陽郡王宗室列傳有二十四太保之
之名爲陪葬諸陵者立此院也

宋魏國公墓

孝義保有古冢石馬猶存碑曰魏國公攷宗室世系表
克儉謚文思叔義退之謚平裕皆封魏國公而宗室列
傳宗立亦封焉惜碑不著名

宋吳王顯墓

鞏縣志卷四

輿地 古蹟
下

三十三

經川圖書館刊

東都事畧英宗次子吳王顯薨年四十七哲宗哭之慟
成服苑中贈尚書令兼中書令謚曰榮顯薨之五日以
月朔應視朝於文德殿哲宗以顯未成服改視垂拱云
顯通經史工飛白書善鼓琴神宗臨御久友愛彌篤哲
宗尊禮尤隆旣薨葬於永厚陵之北徽宗卽位追封吳

王

己酉志

宋華陰侯仲連墓

在永安縣司馬光撰墓誌

己酉志

宋右屯衛大將軍令邦墓

在永安縣司馬光撰墓誌

己酉志

宋皇從姪右屯衛大將軍士虬墓

在永安縣司馬光撰墓誌己酉志

宋皇弟封安王謚文惠墓

失撰墓誌姓名白憲書葬永安縣

宋宗室內殿承制墓

葉夢得撰墓誌張舜卿書

宋宗室左屯衛大將軍江州團練使之女墓

王珪撰墓記虞温書

宋宗室第五男墓

王安禮撰墓誌吳鼎臣書葬永安縣

鞏縣志卷四

輿地古蹟下

三十四

經川圖書館刊

宋宗室普寧郡君劉氏墓

蔡京撰墓誌李安中書葬永安縣

宋宗室子煜墓

蔡卞撰墓誌靳中植書

宋宗室左侍禁墓

葉夢得撰墓誌張舜卿書葬永安縣

宋宗室蓬萊縣君王氏墓

鄭居中撰墓誌葬永安縣

宋宗室追封嘉國公墓

墓誌失蓋存

宋宗室婺國公墓

墓誌失蓋存

宋宗室右班殿直墓

蔡京撰記李安中書葬永安縣

宋宗室感德軍節度使尹國公墓

顧臨撰墓誌吳順臣書葬永安縣

宋故鄧國長公主墓

在和義溝嶺范祖禹撰墓表詳金石志

宋故楊國公主墓

蔡京撰墓誌李安中書葬永安縣

鞏縣志卷四

輿地 古蹟下

三十五

經川圖書館刊

宋宗室右監門大將軍女墓

郭知章撰墓記劉舜明書葬永安縣

宋墓

撰墓誌鄭執中書

宋趙普墓

在孝義保普薨贈尚書令封眞定郡王謚曰忠獻太宗

撰神道碑親書八分書以賜之

節錄己酉志

宋高懷德墓

墓在蔡家莊有碑書宋渤海郡王武穆高公墓南有碑

仆地剝蝕難讀惟篆額大宋二字可識俗呼爲駙馬碑

民國壬戌村人馮致遠等重立之碑高三丈餘寬五尺
采訪

宋寇準墓

墓在今寇家灣蓋陪葬眞宗陵也
河南府志 準歿於雷州許

歸葬西京卽此題其額曰旌忠
河南通志 清康熙五十五年

鞏縣丞陳恂奉文立碑書曰宋寇萊公墓
采訪

宋蔡齊墓

在蔡莊西南半里許距高懷德墓二百二十四弓墓前有石幢字迹剝落不可讀碑書宋臣蔡文忠之墓在書公諱齊字子思謚文忠界石猶在
采訪

宋包拯墓

在鞏西南后泉溝亦陪葬眞宗陵者
據己酉志纂

按舊志載有狄青曹彬二墓一在羅口保一在孝義保
今俱無可考

宋辨證大師墓

在康家店洛水岸係昭孝禪院故址墓前豎碑王詵撰書顧臨篆額碑陰列諸弟子名左有陀羅尼經幢

元張恩墓

河南通志在鞏西南坊郭保恩宣撫使金石考鞏縣有元清河郡侯張公神道碑至元六年歐陽玄撰
己酉志

元張思敬墓

在坊郭保故宣武將軍同知揚州政總管府事

元張思信墓

在坊郭保故禮部侍郎清河郡伯

元張思忠墓

在坊郭保河南江北等處行中書省參知政事清河郡公

元張毅墓

在縣西龍尾村故河南江北等處行中書省參知政事
護軍追封梁郡公謚忠肅

鞏縣志卷四

輿地

古蹟
下

三十七

經川圖書館刊

元張惟敏墓

在毅墓側故河南江北等處行中書省左丞護軍追封
梁郡公謚文定

元張惟權墓

在縣西龍尾嶺故集賢院侍讀大學士追封魏國公

元張裕墓

在縣西龍尾嶺故大都路總管兼大興府尹中書省參
知政事授監國右丞相魏國公

元郇君墓

在羅口保先尹是邑沒葬鞏涉村李氏掘得墓石其宅

樓猶留遺址

據乙丑志
採訪纂

元揚州知州薄七墓

乙丑志在趙封保職方典亦云

元薄元亨墓

在趙封保亨以布衣授鹽鐵官至順十二年授隆慶知

州據己酉
志纂

元曹鐸墓

在永安縣東鐸山東道宣慰司副使轉雁門關三邊總

督至元十四年誥贈譙國公墓碑載鐸有剿賊功其卒

也勅葬於永安東石器尙存據己酉
志纂

鞏縣志卷四

輿地古蹟
下

三十八

經川圖書館刊

明知州薄仲深墓

在趙封保

明通政使魏敏墓

在坊郭保

明御史竇祥墓

在坊郭保

明嘉祥知縣劉思顏墓

在黃冶

明參議劉登墓

在黃冶

明明威將軍趙成墓

在白雲山蛾眉嶺

明提學副使馬隆墓

在神堤保

明兵備僉事趙迎墓

在稍柴務北

明永年知縣張可久墓

在坊郭保

明獻縣知縣趙景星墓

在蔡家莊

鞏縣志卷四

輿地

古蹟
下

三十九

經川圖書館刊

明河陰教諭張宏基墓

在神堤保

明鳳陽通判姚若時墓

在魯莊

明鴻臚寺丞霍景霽墓

在芝田

明大倉副使曹武墓

在駐駕河東原

清莊浪道范芝墓

清遵化知縣范蓋墓

俱在涉村芝蓋俱洛陽人寄鞏縣

清通渭知縣張乾二墓

在橫嶺

清新鄭訓導曹大先墓

在柏廟東原

清贈修職郎孫祚隆墓

在羅莊南

清贈文林郎謝統運墓

在邙原楊家嶺

清贈修職郎慶樞墓

鞏縣志卷四

輿地

古蹟
下

四十

經川圖書館刊

在石窟寺西南

清深澤知縣謝杰墓

在邙原楊家嶺

清贈修職郎張昱斗墓

在清龍山北

清鄆陵教諭康中掄墓

在石窟寺南

清河內訓導孫汝工墓

在羅莊南原上

清贈文林郎張鞏墓

在縣南五里保

清和平知縣曹鵬翊墓

在柏廟東原

以上俱見己酉志

漢慈雲寺

寺碑漢明帝時西僧摩騰竺法蘭創建河南府志在青龍山內羣峯羅列石壁如削前人刻環寺五十二峯於石佛堂後爲二老談經峯取形似也自青龍山口入行數十里方抵寺幽僻窳窳人迹罕到己酉志
後魏元領軍寺

洛陽伽藍記京東石關有元領軍寺河南府志今縣西

洛水北有地名石關卽寺所在節錄己酉志

隋柏谷塢寺

卽白雲寺名勝志柏谷塢在緱氏東北塢西有寺入谷數百步佛像精巧美麗有牛舂馬簸水碓之利河南府志柏谷塢卽今鞏縣西南之百峪也其地正在古緱氏東北名勝志所謂塢西有寺者今百谷西休水水澗中有白雲寺者是土人在寺傍掘土有石幢一乃隋開皇年號則寺建於隋矣考裴淮少林寺碑云隋開皇中詔柏谷屯地一百頃賜少林寺蓋柏谷地屬少林又於

柏谷建寺寺固少林寺僧所建也碑又云少林寺西北
五十里有柏谷墅王世充僭號署曰轅州太宗軍次廣
武僧志操惠師抗表以明大順執充姪仁則以歸本朝
太宗嘉其義烈頻降璽書宣慰賜地四十頃水碾一具
卽柏谷莊是也名勝志所記牛舂水碓與裴碑畧同據己

西志
纂

北魏石窟寺

卽淨土寺方輿紀要寺在鞏縣西洛水北王世充與李
密相持世充過倉城渡洛水爲營與密戰於石窟寺東

餘詳金石志據己西
志纂

鞏縣志卷四

輿地古蹟
下

四十二

經川圖書館刊

宋羅漢寺

金石攷寺有禪院碑宋天聖八年張勸奉勅撰河南府
志羅漢寺在牛山之南嵩山之北寺前有水東北注羅
卽白馬溪之源也羅水上流又有蒲池水注之蒲池水
源有菩提寺碑字剝落不詳年代據己西
志纂

宋福昌寺

在縣東趙封保宋元豐二年建

宋昭陵寺

在縣西孝義保宋葬昭陵皇后建今廢

宋水月庵

扠始於宋咸平明宏正間董順重修

采訪

宋金星觀

扠於唐不詳所在宋天聖中劉太后命加嚴飾嗣因地隸山僻崇奉不便改建永安縣東道士劉微淨劉建章遞主其事崇寧五年慶州學教授吉觀國為作記

采訪

宋景雲寺

在縣西南羅口保

宋壽聖寺

在縣西孝義保

宋昭孝寺

鞏縣志卷四

輿地

古蹟下

四十三

經川圖書館刊

在康店洛岸

宋寧神寺

在縣西南蘇村保

宋永昌院

永昌院地址未詳攷宋制陵園之側例置禪院以修梵福永昌為藝祖陵名此院應為藝祖設寧神羅漢兩院均後永昌於是乃有三陵使之職三陵云何蓋併永昌永熙永定為一辭也當修羅漢院時勅旨有令充永昌院下院之語今羅漢院偏南里許有敗寺遺迹地基稍高疑即永昌故院歟

金普安寺

河南通志在縣治南門外金貞祐三年建明洪武中置

僧會司於內據己酉志纂

金竹林寺

在縣東南坊廓保貞祐三年僧游清勗立洪武十六年
靜喜重修弘治閒僧澆可來重修嘉靖閒明通復葺

元太素元君堂

在九山頂

元玉晨觀

河南通志在縣西南蘇村保至治元年建節錄己酉志

鞏縣志卷四

輿地古蹟
下

四十四

經川圖書館刊

明崇慶觀

河南通志在縣學宮左洪武十五年建置道會司於內

據己酉志纂

明孝岩寺

寺在小黃冶遺址無存現有石刻題曰黃冶圓寂比丘
僧塔之銘時在正德六年辛未三月邑僧智泰篆書

明大悲寺

在縣西南羅口保洪武十六年建

其他尚有嵩峯寺在縣西原良保清涼寺在縣西南蘇
村保石崑寺在縣西南羅口保今廢龍興寺在縣西南

蘇村保迴郭鎮菩提寺在縣南羅口保平定寺在縣西
南羅口保梧桐寺在縣西南瓦屋川迴雲寺在石河道
興佛寺在七里舖靈山寺在裴峪何代創建均失考

